




REPUBLIKA E KOSOVËS  
REPUBLIKA KOSOVA - REPUBLIC OF KOSOVA  
KOMISIONI I PAVARUR I MEDIAVE  
NEZAVISNA KOMISIJA ZA MEDIJE  
INDEPENDENT MEDIA COMMISSION



“Kumanova Cable” Sh.p.k  
Nr. i biznesit 71085139  
Pronar – Bashkim LUMI  
Operator i Shpërndarjes “Kumanova Cable Sh.p.k.”  
Platforma: IPTV  
Therandë

Ref: 1808/950/LIC/ni

### VE N D I M

për licencimin e Operatorit të Shpërndarjes, “Kumanova Cable Sh.p.k.”, sipas platformës IPTV,  
me seli në Komunën e Therandës

---

#### Faktet

1. Komisioni i Pavarur për Media (KPM), në bazë të nenit 3, paragrafi 2.6. të ligjit për KPM (Ligji nr. 04/L-44), nxjerr akte nënligjore për rregullimin e transmetimit dhe të shërbimeve mediale audio-vizuale, të cilat nevojiten për të kryer funksionet e saj, në pajtim me standardet ndërkombëtare.
2. Rregullorja për Shpërndarjen e Ofruesve të Shërbimeve Mediale Audio dhe Audiovizuale (Rregullorja KPM-2016/01) përcakton rregullat dhe procedurat për shpërndarjen e ofruesve të shërbimeve mediale nga ana e operatorëve, pavarësisht nga teknologjia e përdorur.
3. Kumanova Cable Sh.p.k. është operator i shpërndarjes i cili është licencuar nga KPM për shpërndarjen e shërbimeve mediale audio dhe audiovizuale përmes sistemit kabllorë, me seli në Therandë. KPM, me datën 27 shtator 2010, ka marr vendim për dhënien e licencës operatorit të shpërndarjes Kumanova Cable Sh.p.k.
4. Kandidati “Kumanova Cable Sh.p.k.” ka aplikuar për licencë të KPM-së, për operatorë të shpërndarjes sipas platformës IPTV, më datën 14 gusht 2018.

#### Arsyetim

5. Ligji Nr. 04/L-44 për Komision i Pavarur për Media, përcakton se KPM është organ i pavarur i cili është kompetent për rregullimin, menaxhimin dhe mbikëqyrjen e spektrit të

frekuencave të transmetimit si dhe rregullon të drejtat, detyrimet dhe përgjegjësit e personave fizik dhe juridik të cilët ofrojnë shërbime mediale audio-vizuale.

6. Neni 21, paragrafi 1 i Ligjit të KPM-së përcakton se: *“për të ushtruar transmetim në Kosovë sipas kushteve të këtij ligji kërkohet licenca për transmetim, të cilën e lëshon KPM-ja”*.
7. Komisioni vlerëson se kandidati “Kumanova Cable Sh.p.k.” ka paraqitur në aplikacionin e tij të gjitha të dhënat e nevojshme për licencë të KPM-së për operator të shpërndarjes në pajtueshmëri me Nenin 6 të Rregullores KPM-2016/01 dhe të shtojcës së kësaj rregullore, ku përcaktohen Procedurat, Kushtet dhe Kriteret për Licencim.
8. Me Rregulloren KPM-2016/01 nuk përcaktohet numri i kanaleve se sa duhet të përmbajë lista e pakos programore për një operator të shpërndarjes. Prandaj, Komisioni vlerëson se, një operator i shpërndarjes mund të licencohet edhe me një numër minimal të programeve të përcaktuara me nenin 9 dhe 10 të Rregullores KPM-2016/01, ndërsa, kandidati “Kumanova Cable Sh.p.k.” ka dorëzuar një listë prej 81 kanaleve, si pjesë e katalogut programor.
9. Kandidati “Kumanova Cable Sh.p.k.” për operator të shpërndarjes sipas platformës IPTV, përveç ofruesve të shërbimeve programore të licencuara nga KPM, të përcaktuara me nenin 9 dhe 10 të Rregullores KPM-2016/01, do të ketë të drejtë të bartë në katalogun e tij programor vetëm kanalet televizive për të cilat posedon marrëveshje mbi të drejtën e autorit.
10. Pas pajisjes me licencë të KPM-së, kandidati për operator të shpërndarjes “Kumanova Cable Sh.p.k.” mund të sigurojë marrëveshje shtesë për bartjen e programeve në platformën IPTV, dhe mund të zgjerojë katalogun e programeve në të ardhmen. Kandidati “Kumanova Cable Sh.p.k.” obligohet t’i ofrojë KPM-së të gjitha marrëveshjet e reja për zgjerim të listës programore, sapo t’i ketë siguruar ato.
11. Komisioni vlerëson se, kandidati “Kumanova Cable Sh.p.k.” ka dorëzuar aplikacionin e tij në pajtueshmëri me kriteret e përcaktuara me Rregulloren KPM-2016/01 si dhe me Rregulloren e KPM-së KPM-2017/06, për t’u pajisur me licencë të KPM-së për një afat prej dhjetë (10) vitesh, me mundësi të ripërtëritjes.
12. Rregullorja KPM-2017/06 për Tarifën Vjetore të Licencës, respektivisht Neni 11, paragrafi 1, pika 1 dhe 2 përcaktojnë:

*1.1. “I licencuari që operon në të njëjtën kohë si operator kabllor dhe IPTV, por në të dy platformat shpërndan të njëjtat kanale, obligohet të paguajë një tarifë vjetore për shërbimet e njëjta të ofruara në të dy platformat e licencuara.”*



1.2. "I licencuari që operonë në të njëjtën kohë si operatorë kabllorë dhe IPTV, por shpërndanë kanale të ndryshme në të dy platformat e licencuara, obligohet të paguaj tarifën vjetore veçmas për operatorë kabllorë dhe veçmas për IPTV."

13. Komisioni vlerëson se, kandidati për operator kabllor "Kumanova Cable Sh.p.k." ka përmbushur kriteret për kualifikim për t'u pajisur me licencë të KPM-së.

### Vendim

14. Komisioni në takimin e tij të mbajtur me datën 6 shtator 2018, merr vendim që, kandidatit "Kumanova Cable Sh.p.k." i cili planifikon të operojë në Komunën e Therandës, t'i lëshojë licencën e KPM-së për operator të shpërndarjes sipas platformës IPTV, për të ofruar shërbime të programeve në pajtim me katalogun e ofruar programor sipas marrëveshjeve për të drejtat autoriale të atyre shërbimeve mediale audiovizuale.

15. Këtë vendim e lëshon Komisioni, dhe i njëjti hyn në fuqi që nga data e nënshkrimit.

  
Muja FERATI

Kryetar

KOMISIONI I PAVARUR I MEDIAVE



06.09.2018  
datë